

INSTRUCCIÓN FAMILIAS PARA ABOAMENTO DO USO DO COMEDOR ESCOLAR 2024-2025

ENTREGAR A AUTODECLARACIÓN ANTES DO 12-07-2024 (PRESENCIALMENTE, POR CORREO ELECTRÓNICO OU NA CAIXA DE CORREO DO CENTRO).

6.2.1. Suxeitos obrigados ao pagamento dos prezos públicos.

Estarán obrigados ao pagamento de prezos públicos pola prestación do servizo de comedor, en base ao disposto no artigo 13 do Decreto 132/2013:

- Os pais, nais, titores legais, en nome e por conta do alumnado usuario, agás que teñan dereito á gratuidade total do servizo de comedor.
- As restantes persoas usuarias do comedor escolar segundo o sinalado no citado Decreto, agás que teñan dereito á gratuidade total do servizo de comedor.

6.2.4. Usuarios gratuítos do servizo.

Segundo establece o artigo 11 do citado Decreto 132/2013, serán usuarios gratuítos os seguintes:

- O alumnado que curse ensinanza básica e o segundo ciclo de educación infantil pertencente a unidades familiares que se atopen en situación socioeconómica de exclusión social certificada polos servizos sociais autonómicos ou municipais correspondentes.
- O alumnado que curse ensinanza básica e o segundo ciclo de educación infantil que se atope en situación de acollemento residencial ou familiar.
- O alumnado que curse ensinanza básica e o segundo ciclo de educación infantil cun grao de discapacidade declarado igual ou superior ao 33%.
- O alumnado que curse ensinanza básica e o segundo ciclo de educación infantil pertencente a unidades familiares vítimas de terrorismo ou de violencia de xénero acreditada documentalmente.
- O alumnado que curse ensinanza básica e o segundo ciclo de educación infantil pertencente a unidades familiares cunha renda familiar anual neta per cápita inferior a 7.000 €.
- O persoal de cociña durante os días de desempeño efectivo do seu traballo.
- O persoal coidador, educador e auxiliar de enfermería que, durante o xantar e os períodos de tempo anterior e posterior a este, atenda ao alumnado de educación especial, no tempo de desempeño efectivo do seu traballo no comedor escolar.
- O persoal funcionario e laboral da Xunta de Galicia destinado nos centros de ensino con responsabilidades na organización dos comedores escolares ou no coidado do alumnado comensal, durante os días de asistencia efectiva ao comedor.
Nos casos nos que tal labor se realice de xeito descontinuo e existan prazas vacantes dentro do máximo das autorizadas no comedor, o persoal do centro, estando as necesidades de colaboración cubertas, deberá aboar o prezado servizo cando non colabore no comedor.
- Os pais, nais, titores legais e acolledores familiares de alumnado matriculado en ensinanza básica e segundo ciclo de educación infantil que colaboren na atención do alumnado comensal exclusivamente durante os días concretos en que se desenvolva a súa colaboración efectiva.

6.2.5. Concepto de unidade familiar e renda familiar anual neta per cápita.

En base ao disposto no artigo 16 do Decreto 132/2013, o concepto de unidade familiar é o definido na normativa do imposto da renda das persoas físicas.

Aos efectos do IRPF, existen dúas modalidades de unidade familiar:

1. -No caso de matrimonio:

A unidade familiar está integrada polos cónxuxes non separados legalmente e, se os houber:

- Os fillos e as fillas menores, con excepción dos que, co consentimento dos pais, vivan independentemente destes.
- Os fillos e as fillas maiores de idade incapacitados xudicialmente suxeitos á patria potestade prorrogada ou rehabilitada.

Hai que ter en conta que a maioría de idade acádase ao cumprir 18 anos.

2. -En ausencia de matrimonio ou nos casos de separación legal:

A unidade familiar está integrada polo pai ou pola nai e a totalidade dos fillos e das fillas que convivan co pai ou coa nai e reúnan os requisitos da modalidade anterior (os supostos a) ou b) do apartado 1).

Polo tanto:

- Calquera outra agrupación familiar, distinta das anteriores, non constitúe unidade familiar a efectos do IRPF.
- Ninguén pode formar parte de dúas unidades familiares ao mesmo tempo.

- O número de membros da unidade familiar realizarase atendendo á situación existente o día 31 de decembro de cada ano. Polo tanto, se un fillo cumprira 18 anos durante o ano, xa non formará parte da unidade familiar nese período impositivo. Tampouco formará parte da unidade familiar o membro que falecera durante o período impositivo.
- Nas parellas de feito só un dos seus membros (pai ou nai) poden formar unidade familiar cos fillos e fillas que reúnan os requisitos anteriormente comentados (os supostos a) ou b) do apartado 1). O mesmo criterio é aplicable nos casos de separación ou divorcio con garda e custodia compartida.

A renda neta per cápita familiar obterase como resultado de realizar os seguintes cálculos en base á declaración da renda do exercicio 2023:

1. Sumarase a base impositible xeral coa base impositible do aforro.
2. Deste resultado restarase a cota líquida resultante da autoliquidación.

Segundo isto, a renda familiar para os efectos da autodeclaración é o resultado de facer as seguintes operacións coa declaración do IRPF:

casiña 435 + casiña 460 – casiña 595

O resultado obtido dividirase polo número de membros que forman parte da unidade familiar. O concepto de unidade familiar será o definido na normativa do IRPF.

Aclaracións para determinar correctamente a renda anual familiar.

Para determinar a renda anual familiar hai que sumar as rendas obtidas por todas as persoas que integran a unidade familiar. Nesta operación poden presentarse varias situacións:

- Unidades familiares nas que ambos cónxuxes, ou calquera outro integrante dela, perciben rendas e teñen obriga de presentar a declaración anual do IRPF. Neste caso, o importe da renda familiar resultará das sumas e restas das casiñas indicadas, que se obterán de cada declaración, se foron presentadas individualmente - que é o habitual- ou ben, da declaración conxunta.
- Unidades familiares nas que ambos cónxuxes perciben rendas pero só un deles ten a obriga de presentar a declaración. Neste caso, a obtención do importe da renda familiar resultará das sumas e restas das casiñas indicadas, para o membro da unidade que presentase declaración do IRPF máis o importe que resulte, para o outro integrante da unidade familiar que non presentou declaración do IRPF, segundo os seus datos fiscais, que deberá para realizar o cálculo dos seus ingresos, sumar os importes das casiñas correspondentes ás retribucións dinerarias e intereses e restar os importes das casiñas correspondentes ás cotizacións da seguridade social, ás retencións procedentes do traballo e ás retencións procedentes do capital mobiliario.
- Cando ambos cónxuxes perciban rendas pero non teñan obriga de presentar declaración da renda ou ben cando o cónxuxe ou os cónxuxes non perciban renda ningunha suxeita a tributación no IRPF. Nestes supostos, os interesados deberán consignar os seus datos fiscais do mesmo xeito que no especificado no apartado anterior para os membros que non presentasen declaración do IRPF.

6.2.6. Pagamento dos prezos públicos.

Satisfarase entre o 1 e o 20 do mes seguinte ao da prestación do servizo.

O importe que os usuarios deberán aboar resultará de multiplicar os prezos correspondentes polo número efectivo de días de uso do comedor cada mes. Os usuarios deberán **comunicarlles obrigatoriamente** aos centros de ensino **os días que non vaian facer uso do comedor antes das 9:45 de cada día se queren que eses días non sexan tidos en consideración nos pagamentos.** **FORMAS DE PAGAMENTO:**

- O pagamento dos prezos públicos poderase efectuar **nas entidades de depósito autorizadas** para actuar na xestión recadatoria de taxas e prezos pola Consellería competente en materia de facenda, mediante os correspondentes impresos de pagamento. Os suxeitos obrigados conservarán os xustificantes do "pagamento para o interesado", presentando nos centros, nos 20 primeiros días de cada mes, os xustificantes de "pagamento para a Administración" debidamente validados polas entidades de depósito, para os efectos de complementar as posteriores comprobacións que deban efectuarse.
- Igualmente, as persoas interesadas poderán utilizar a **oficina virtual tributaria** <http://www.conselleriadefacenda.es/web/portal/confeccion-impresos> para realizar os pagamentos de xeito telemático. Os suxeitos que opten por esta vía deberán presentar no centro, nos 20 primeiros días de cada mes, os xustificantes de pagamento correspondentes.
- Así mesmo, os impresos de pagamento estarán dispoñibles directamente para os **usuarios do Espazo Abalar** sen necesidade de acudir ao centro a obtelos. Ademais, os suxeitos que empreguen este sistema non terán que presentar xustificante algún no centro.

Os incumprimentos no pagamento dos prezos públicos de cada mes impedirán a utilización ao mes seguinte do comedor escolar, mentres non se proceda á oportuna regularización dos pagamentos, para o cal contarase cun prazo máximo de 2 meses. **ENTREGAR A AUTODECLARACIÓN ANTES DO 12-07-2024. (PRESENCIALMENTE, POR CORREO ELECTRÓNICO OU NA CAIXA DE CORREO DO CENTRO).**